

## ოქმი N 2

ხობის მუნიციპალიტეტის მეოთხე მოწვევის საკრებულოს განათლების, კულტურისა და სოციალურ  
საკითხთა კომისიის სხდომის

ქ. ხობი

2019 წლის 22 მარტი

სხდომას ესწრებოდნენ კომისიის წევრები:

1. დოდო გაბუნია
2. ირაკლი ნადარაია
3. თენგიზ აბაკელია
4. მზია ლემონჯარია
5. აბელ ქირია
6. კახა მიქაბერიძე
7. ავთანდილ ხუნჯუა
8. კონსტანტინე ნასარაია

სხდომას თავმჯდომარეობდა დ. გაბუნია - კომისიის თავმჯდომარე

დღის წესრიგი:

1. ხობის მუნიციპალიტეტის მერის გ. ქაჯაიას 2019 წლის 14 მარტის N09/769 წერილის  
განხილვა („ხობის მუნიციპალიტეტის სოციალურად დაუცველი და ეკონომიკურად  
შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და  
ხელშეწყობის 2019 წლის მუნიციპალური პროგრამის დამტკიცების შესახებ“ ხობის  
მუნიციპალიტეტის საკრებულოს 2018 წლის 28 დეკემბრის N48 განკარგულებაში ცვლილების  
შეტანის თაობაზე“ განკარგულების პროექტის შესახებ)

(მომხსენებელი: დ. გაბუნია - ხობის მუნიციპალიტეტის საკრებულოს განათლების,  
კულტურისა და სოციალურ საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 8, წინააღმდეგი - არც ერთი.

დაადგინეს: დღის წესრიგი დამტკიცდეს წარმოდგენილი სახით.

## დღის წესრიგით წარმოდგენილი საკითხის განხილვა

1. ხობის მუნიციპალიტეტის მერის გ. ქაჯაიას 2019 წლის 14 მარტის N09/769 წერილის განხილვა („ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2019 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2018 წლის 28 დეკემბრის N48 განკარგულებაში ცვლილების შეტანის თაობაზე“ განკარგულების პროექტის შესახებ”)

(მომხსენებელი: დ. გაბუნია - ხობის მუნიციპალიტეტის საკრებულოს განათლების, კულტურისა და სოციალურ საკითხთა კომისიის თავმჯდომარე)

**მოისმინეს:** დ. გაბუნია - მომხსენებელმა კომისიის წევრებს გააცნო განკარგულების პროექტი „ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2019 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2018 წლის 28 დეკემბრის N48 განკარგულებაში ცვლილების შეტანის თაობაზე“ და განაცხადა, რომ აღნიშნულ განკარგულების პროექტის მე-13 მუხლის მე-12 პუნქტში შედის ცვლილება და ყალიბდება შემდეგი რედაქციით: „სოციალურად დაუცველი ოჯახების (ოჯახები, რომლებიც რეგისტრირებული არიან მონაცემთა ერთიან ბაზაში, რომელთა სარეიტინგო ქულა არ აღემატება 100 ათას ქულას და რომელთა სახლები საჭიროებს სრულ ან ნაწილობრივ გადახურვას) სახურავის და გადასახურად საჭირო სხვა მასალის შეძენა“. მომხსენებელმა განაცხადა, რომ სოციალურად დაუცველ ოჯახებს ერთჯერადად ფულადი საშუალებით ვერ ეხმარებიან, ასევე წარმოდგენილი ცვლილებით სახურავისა და მისთვის საჭირო მასალის გარდა სხვა მასალის შეძენა შეუძლებელი, იქნება, რაც მოსახლეობის მხრიდან უკმაყოფილებას გამოიწვევს.

**თ. აბაკელია** - განაცხადა, რომ აუცილებლად უნდა გამოინახოს სახსრები, რათა მოსახლეობას საჭიროების შემთხვევაში სხვა სამშენებლო მასალებითაც გაეწიოს დახმარება, გამომდინარე აქედან, წარმოდგენილ ცვლილებას არ ეთანხმება.

სხდომის თავმჯდომარე შემოვიდა წინადადებით კომისიაზე აზრთა სხვადასხვაობის გამო საკითხი საკრებულოს ბიუროს და საკრებულოს სხდომაზე გატანილ იქნეს განსახილველად.

კომისიის წევრების მხრიდან მოწონებულ იქნა წარმოდგენილი წინადადება

კენჭი ეყარა წარმოდგენილ წინადადებას.

კენჭისყრის შედეგები:

მომხრე - 8, წინააღმდეგი - არც ერთი.

დაადგინეს: წარმოდგენილი საკითხი შეტანილ იქნეს საკრებულოს ბიუროს სხდომის დღის წესრიგში.

დღის წესრიგით გათვალისწინებული საკითხის ამოწურვის შემდეგ სხდომა დახურულად გამოცხადდა.

სხდომის თავმჯდომარე

დოდო გაბუნია